

1342



續文獻通考卷之二百二十二續文獻通考館貯庫官

皇明進士雲間王圻纂輯

物異考 山崩 至恒寒

山崩

宋孝宗紹熙四年秋南嶽祝融峯有山自摧

度宗咸淳元年天目山崩餘杭民溺死者無筭

元

世祖至元六年九月奉化州山崩水湧出平地溺死人甚

衆松陽龍泉二縣水漲入城中深丈餘溺死五百餘人

道昌縣尤甚平地三文餘桃源山崩壓溺民居五十三家死者三百六十餘人

成宗大德元年衡州鄱縣山崩 十一年三月道州營道縣暴雨山裂百三十餘處

武宗至大三年荆襄大水山崩壞官民廨舍二萬一千八百餘楹死者二千四百餘人

仁宗延佑二年夏四月成紀縣山移是夜疾風雷雹北山南移至夕河川次日再移平地突出土阜高者二三丈陷沒民居 四年七月成紀縣山崩土石潰徙壞田稼

廬舍壓死居民甚衆 五年二月秦安縣山崩 五月

隴西縣山崩 七月寧遠縣山崩 六年八月伏羌縣

山崩秦州成紀縣雨暴山崩朽壤墳起覆沒畜產

英宗至治二年十二月朔南康建昌大水山崩

泰定帝泰定元年八月成紀縣大雨山崩水溢壅土至來

谷河成土阜 四年八月鞏昌通渭縣山崩天全道山

崩石斃人

順帝元統元年鞏昌徽州山崩 九月秦州山崩 十月

鳳翔山崩 十一月鞏昌成紀縣地裂山崩辛亥秦州

地裂山崩 至元二年五月秦州山崩宿松山裂 四年六月信州路靈山裂丙辰鞏昌府山崩 六年六月秦州成紀縣山崩地裂 至正二年六月濟南山崩 七月惠州雨水羅浮山崩凡二十七處壞民居塞田澗 三年六月秦州奉安縣南坡崩裂壓死人畜 七月鞏昌山崩人畜死者甚衆 六年六月廣州增城縣羅浮山崩水湧溢溺死者百餘人 七年五月河東地拆泉湧崩城陷屋傷人民 八年廣西山崩 九年靖海寧州山巖俱裂湧水人多死者 七月泉州大風雨永

春縣南象山崩壓死者甚衆 十年五月龍興寧州大雨山崩數十處丙寅瑞州上高縣蒙山崩 十月泉州安溪縣侯山鳴 十二年十月霍州趙城縣霍山崩湧石數里前三日山鳴如雷禽獸驚散 十三年七月汾州白彪山折 十五年四月寧國敬亭麻姑華陽諸山崩 十七年十月靜江路城東石山崩 十二月慶元路象山縣鷲鼻山崩有聲如雷 二十六年三月贛榆縣吳山崩 六月沂水山崩紹興山陰縣卧龍山崩 七月泉州同安縣大雷雨三秀山崩是月河南鞏縣大

霖雨地震山崩 十一月華州蒲城縣洛岸崩壅水絕
流三日 十二月華州蒲城縣洛水和順崖崩其崖戴
石有岩穴可居是日壓死避亂者七十餘人 二十七
年六月沂水山石崩裂有聲如雷 七月靜江靈川縣
大藏山石巖崩 二十八年龍興靜安縣山石迸裂湧
水人多死者 六月忻州蒙昌山有巨石大如屋崩裂
墜地聲震如雷 七月廣西靈川縣臨江石巖崩

皇明

成祖永樂中山東濱州妖婦唐賽兒祭夫墓還山石裂露

一石匣啓得寶劍妖書通曉其術惑衆聚徒謀反後捕
得之竟從獄中逸去官吏將校皆伏誅

英宗正統八年冬十一月浙江紹興山移于平田 是年
陝西二處山崩壓折人家數十戶一應山叫三日移數
里時畏王振不敢奏

孝宗成化八年七月陝西隴州大電州北有山吼三日裂
成溝長半里 庚子五月雲南麗江軍民府巨津州白
石山約長四百餘丈去金沙江二里許一日山忽裂分
其半走金沙江中山上木石依舊江水壅塞淹田漂廬

府州具報察院以間時滇中邊報日急識者以為山徙之兆 十六年六月長樂縣平地起小阜人畜踐之輒陷明年尋湧起一高山占者云武后時曾有此異乃女主為男之兆時 裕陵宮人萬氏 冊為貴妃每侍宸遊戎服男飾以從此其應與

世宗嘉靖二十六年十二月十四日陝西澄城縣麻陂山界頭嶺晝夜大吼如雷至二十七日夜山忽中斷百丈移走東西三里南北五里

穆宗隆慶四年八月浙江湖州府山崩成湖

今上萬曆二十七年九月狄道山崩成坑更于平地湧出大小山五座

地陷

元順帝至正十七年冬十月靖江地陷

皇明

世宗嘉靖四十二年北京觀象臺忽崩陷時雷尚書禮覓臺四圍並無餘土更不知土從何去三日後訪知臺土移填于城外某潭潭且夷矣

穆宗隆慶二年樂亭縣地名劉卞庄地裂一處寬一尺長

三丈又迤東地裂一處寬一尺長一丈又地名揚鑿地
地裂一處寬一尺長三丈各湧黑沙水出 五年辛未
春三月廣西布政司後街 宗室住宅忽地陷一丈寬
二丈餘又 王府大街地陷二丈深廣數尺又布政司
後堂地陷四尺橫二丈五尺直一丈六尺餘

今上萬曆十四年保定府一村庄墻忽崩中有弓箭刀劍
之類

地生異物

金哀宗正大七年十二月新衛北三里許有影在沙上如

舊城衛州城狀寺塔宛然數日乃滅

皇明

憲宗成化十三年二月甲午浙江山陰縣地忽湧泉如血
高尺餘

世宗嘉靖四十四年浙江慈谿縣民家地湧血尺餘 江
西廬山田中湧血數畝亦高尺餘 三十七年浙江東
陽縣民張思齊家地裂五六處各湧血如線高尺許凝
為片人就食之掘地無所見撫按上狀 三十九年竹
谿縣地震出血

今上萬曆二十六年九月浙江巡撫劉元霖奏地方災異
蕭山縣賈大經家灶前地下湧出鮮血約高尺許

青青青祥

金章宗太宗二年七月癸丑申刻日上有氣內赤外青須
臾乃散

今上萬曆二十九年忽見昭應寺藏經閣上大小瓦獸共
六個各口吐青氣一道冲天半時方散

赤青赤祥

遼道宗時皇太叔重元將舉兵反帳前雨赤如血識者謂

敗亡之兆果敗死

金太祖為祥穩時溫都部跋忒殺唐括部跋葛穆宗命太
祖代之太祖入辭謂穆宗曰昨夕見赤祥此行必克敵
遂行果克之

世宗未即位時居貞懿皇后喪一日方寢有紅光照室

章宗明昌二年十二月丙辰北方微有赤氣 泰和三年

十月戊戌日將沒色赤如赭甲申酉時天色赤將旦復

然 五年九月戊子戌時有赤氣如火出黑雲間自西

北左旋至東南皆赤中有白氣乍見為風雨而散二更

初復有赤氣起黑雲間自西北左旋至東南往來遊曳
有白氣數道時復出沒其赤氣又滿中天約四更散

宣宗貞祐三年二月丁巳日初出赤如血將沒復然 元

光元年十一月丁未東北有赤雲如火

哀宗天興三年正月己酉日大赤無光

元世祖中統二年春正月辛未夜東北赤氣照人大如席

順帝元統二十三年十月丙申朔大名路抵青齊一方有

赤氣照耀千里 至正五年四月鎮江丹陽縣紅霧草

木葉及行人衣裳皆濡成五色 二十一年昆明縣玉

案山下產赤小犬色如火羣吠遍野

皇明

世宗嘉靖十九年夏四月黃霧四塞俄變紫赤色忽暴風

從西起坊柱皆折 上曰此異凡三見矣占曰兵喪西

北邊防不可不慎 癸未四月真定無極縣有芒氣自

西北來先紅後黑咫尺不辨人折大樹無筭雞犬亂鳴

四十年五月晦日赤虹二道自西北經東南亘天

穆宗隆慶二年四月萬全都司有空中赤黑二雲相聞

今上萬曆十九年八月浙江巡撫常居敬奏據巡視海道

葉分等呈稱寧波府慈谿縣申本縣八都二畜里長陸
洙本月十九日未時有民人邵二五等駕船于八都茅
家浦口載稻內翁文行曲江塗適見紅血從草湧出約
有八處大如面盆高尺許標起血星濺到船上致人足
上足亦出血約有半時方止

黃青黃祥

金章宗承安五年十月雲色黃而風霾

宣宗貞祐三年十月西北有霧氣如積土至二更乃散

哀宗正大元年正月上初視朝尊仁聖慈聖二皇太后是

日大風昏霾不見日黃氣塞天人以為壬辰癸巳之兆
皇明

穆宗隆慶元年四月京師黃塵四塞 三月癸亥黃霧四
塞

白青白祥 天雨毛 地生毛

金世宗大定五年六月地生白毛 十四年八月白龍見

于御帳之東 二十年五月京師地生黑白毛 二十

二年五月地生白毛 二十九年五月地生白毛

章宗明昌元年二月地生白毛

衛紹王大安三年三月北方有黑氣如堤內有白氣三似
龍虎之狀 十月東北西北每至初更如月將出之狀
明至夜半而滅經月乃已

宣宗貞祐元年十月夜有白氣二衝紫微而不貫 十二
月白氣東西竟天移時散 興定元年十二月北方有
白氣廣三尺餘東西亘天

哀宗至大三年三月省前有氣微黃自東北至西南其狀
如虹中有白物十餘徃來飛翔又有光倏忽如二星移
時乃滅 四年六月有白氣經天或云太白入井

元世祖至元二十七年五月大名路有白氣二道

仁宗皇慶元年丁卯雨毛 二年八月黃梅縣天雨毛

順帝元統二年正月彰德路天雨毛如線而綠 至正十
八年四月山東天雨白毛 十九年八月安仁恠物見
空中白色頭黑尾銳雷震忽失所在 二十五年五月
京師天雨毛 二十七年五月朔白氣亘天山東天雨
毛

皇明

英宗正統八年浙江地動生白毛

憲宗成化十五年五月乙丑常州府地震生白毛 二十
一年春正月甲申朔申刻有火自中天西墜化白氣復
曲折上騰聲如雷踰時復有大星赤色自中天西行近
尾跡化白氣曲曲如蛇形久之如雷震地

世宗嘉靖七年戊子冬十二月望白氣亘天津乾起指坤
八年秋七月長庚氣如匹布亘天

今上萬曆十九年三月陝西巡按御史周盤奏邊鎮孤懸
災異迭見等事二月初五日白氣傍月光內穿閣上瓦
獸吐黑氣 初十日亥時遙見天上白氣一道從西南

乾方起至東南巽方止傍月光內穿過半時方散

黑青黑祥

金衛紹王大安元年四月北方有黑色如大道東西竟天
至五更散

宣宗貞祐元年八月將曙大霧倉黑跬步無見 三年六
月有黑氣廣如大路自東南至西北其長竟天 四年
正月旦黑霧四塞已時乃散 興定三年四月癸未陝
西黑氣晝起有聲如雷

哀宗至大二年正月甲申有黃黑之祲

元

世祖至元七年四月壬午檀州隕黑霜 大德十年二月大同路暴風大雪明日雨黑沙陰霾牛馬多斃死

仁宗延祐七年八月益津雨黑霜 癸亥十月六日甲子先一夕因^晉邸入繼大統告祭太廟之頃陰風北來殿上燭燈皆滅良久方息蓋攝祭官缺失也先帖木兒等皆弑君之元惡也

順帝至正元年四月彰德有赤風自西北來忽變為黑晝晦如夜 十二年荆門天雨黑雪 十三年春正月二

十三日黑氣亘天雷電以雨有物若果核與雨雜下五色間錯光瑩堅固破其實食之似松子仁人皆曰婆婆樹子至閏月十二日復雨三月十一日杭州亦雨如湖州郡人初不以為意及九月十日紅巾犯省治雨核之地悉被兵火屋宇如故二十六日湖州陷儀鳳橋四向焚戮特甚時橋四向視它處獨多後聞池州亦然池州之禍尤慘 冬袁州路每日暮有黑氣環遶郡城

十五年湖廣雨黑雪 十六年正月二十三日巳入時平江在城忽望東南方軍聲且漸近驚走覘視他無所

有但見黑雲一簇中彷彿皆類人馬而前後火光若燈
燭者莫知其筭迤邐由西北方而沒惟葑門至齊門居
民屋脊龍腰悉揭去屋內牀榻屏風俱仆醋坊橋董家
雜貨舖失白米十餘石醬一缸不知置之何地 十七
年正月己丑杭州降黑雨河池水皆黑 十八年三月
辛丑夜大同路黑氣蔽四方有聲如雷頃之東北有雲
如火交射中天遍地俱見火光空中如有兵戈之聲
七月乙亥京師黑霧昏暝不辨人物自旦近午始消如
是者旬有五日 二十八年七月乙亥黑氣起百步內

不見人從寅至己方息

皇明

太祖洪武十年丁巳春正月丁酉夜雨黑水如墨汁池水
皆黑浙江金華處州諸境皆有之占云黑靄露下天下
完

憲宗成化十二年丙申秋七月庚戌京師黑靄見兼旬始
息是靄也黑而小金睛修尾狀類犬狸先從西城北隅
起時坊巷細民家男女夜多露宿忽見有物負黑氣一
片而來或自戶牖入雖密室亦無不至至則人昏迷或

手足或頭臉或腹背皆被傷傷亦不甚痛人莫敢言數日遍城驚擾入夜家操刃張燈自防見有黑氣者輒鳴金擊鼓以逐之巡城御史以聞一日上御奉天門侍衛忽驚起兩班遂喧亂上欲起太監懷息按之頃之乃定

世宗嘉靖四十三年六月十四日黑虹見北方占曰兵象至十二月虜果犯京城四十五年三月上不豫久御西內恩成宮時有黑氛出擾而披欄藻井上忽見木綿數團上心疑之命內臣慎火尋又曰宮孽有

謂壬寅枉死者所為其蓋田王等獄命速訊成之穆宗隆慶六年四月浙江省城黑霧中一物蜿蜒如車輪目光掣電水電隨之瓦屋皆震林中鳥雀擊死無筭

恒雨

宋寧宗嘉定九年浙東西大霖雨二十餘日郡縣為灾十一年六月浙西大霖雨至十五年十六年亦然十六年五月湖北霖雨鄂州江湖合漲城市沉沒累月不洩

理宗寶慶二年三月久雨四月八月亦然三年七月久

雨命臨安守臣禱于天竺山 端平二年霖雨害稼命
近臣禱于天地宗廟社稷及宮觀嶽瀆等

度宗咸淳十年八月大霖雨水湧安吉臨安餘杭民溺死
者無筭

遼聖宗統和元年九月南京霖雨害稼至九年六月亦然

十一年六月大雨 二十七年七月霖雨 開泰六

年六月德妃蕭氏賜死葬兔兒山西後數日大風起塚
上晝晦大雷電而雨踰月乃止

道宗咸雍二年四月霖雨 四年南京霖雨 太康八年

七月南京霖雨時蕭文知易州霖雨不止為文禱之隨
霽

金太宗天會二年曷懶移鹿古水霖雨害稼 秋泰州潦
害稼

章宗明昌元年七月大雨傷稼 四年五月霖雨命有司
祈晴 五年七月陰雨連日至丙戌天壽節開霽

衛紹王大安二年六月雨不止

宣宗興定元年七月霖雨

哀宗天興二年六月欲遷蔡發自歸德連日大雨平地水

續文獻通考 卷之三百二十三
數尺軍士漂沒

元

世祖至元七年八月辛卯保定路霖雨傷禾稼 九年六月丁亥京師大雨壞墻屋壓死者衆 十年霖雨害稼

十二年河間霖雨傷稼 二十年六月武安大雨

二十四年真定等路霖雨害稼屋壞壓死者衆 六月

霸州益津縣霖雨害稼 九月太原河間河南等路霖

雨害稼東京靜麟威遠婆婆等處大霖雨害稼沒民田

二十五年七月保定郡霸滹二州淫雨害稼 八月

嘉祥魚臺金鄉三縣淫雨 九月莫獻二州淫雨 二

十六年六月濟寧東平汴梁濟南順德真定平灤棣州

霖雨害稼 二十八年八月大名清河南樂諸縣霖雨

為災 九月河間淫雨

成宗大德二年秋七月大雨河決 五年八月霖雨灤漆

泃汝水溢 十月濟南濱特州等霖雨害稼楊泰泰滌

壽光隨荆門峽州霖雨 六年霖雨 七年七月平江

等十五路淫雨害稼 八年濬滑霖雨大名境內咸被

水

武宗至大元年秋七月真定淫雨 二年七月德州淫雨
三年大名路霖雨傷稼 四年七月河間順德大名
彰德廣平等路德濮恩通等州及河東和縣霖雨害稼
五年六月二十三日平陽颶風暴雨沿江田禾淹損
大半 六年二月曹濮二州霖雨害稼 七月霸州文
成縣霖雨害稼三十餘頃

英宗至治元年江州贛州淫雨安陸雨七日江水大溢被
災者三千百五人 二年閏五月安豐路雨傷稼 三
年五月大名魏縣淫雨保定定興縣濟南無棣厭次縣

濟寧碭山河間齊東縣霖雨害稼

泰定帝泰定元年濮州等處淫雨深丈餘 七月真定廣
州廬州十一郡雨傷稼德州曹州淫雨水深丈餘漂沒
田廬 八月汴梁考城儀封濟沾化利津等縣霖雨損
禾稼

明宗至順四年京畿大霖雨水平地丈餘

順帝至元二年五月乙卯南陽鄧州大霖雨自是日至六
月甲申乃止 三年六月衛輝路淫雨京師大霖雨自
辛巳至癸巳不止御河沁渾河水皆溢没人畜田廬甚

衆壬辰彰德大水深一丈 至正二年秋彰德路霖雨
三年四月至七月汴梁路滎澤縣鈞州新鄭密縣霖
雨害稼 四年夏汴梁蘭陽縣許州長葛郟城襄州睢
州歸德府亳州之鹿邑濟寧之虞城淫雨害蠶麥禾皆
不登 四月淫雨河溢決白茅金隄曹濮濟兗皆被灾
八月淫雨益都飢民有相食者 五年夏秋汴梁祥
符尉氏洧川鄭州鈞州亳州久雨害稼二麥禾豈俱不
登河間路淫雨妨害鹽課 八年五月京師大霖雨都
城崩圯鈞州新鄭縣淫雨害麥 九年七月高唐州大

霖雨壞官署民居歸德府淫雨決十旬 十年二月彰
德路大雨害麥 十四年四月吉安霖雨洪水驟至平
地數丈漂沒民居田產 十九年岳州大雨經八十日
二十年七月益都高苑縣陝西澠池縣大雨害稼
二十三年七月懷慶路河內修武武陟三縣及孟州淫
雨害稼 二十四年秋密州安丘縣大雨 二十五年
秋密州安丘縣潞州汴梁許州及鈞州之密縣淫雨害
稼 二十七年秋彰德路淫雨

皇明

今上萬曆十五年蘇松等處自五月六月七月久雨禾黍
花荳悉皆淹沒 二十四年浙江巡撫劉元霖奏杭嘉
湖三府七月淫雨連綿苗秧淹沒八月以後大雨如注
狂風交作經數日夜不息迄至閏八月終尚未開霽以
致山洪暴發河流橫溢廬舍傾圮汀岸頽潰四顧郊原
並成巨浸 二十八年七月十八日至二十二日興化
莆田等縣大雨連作五晝夜城垣橋梁堤岸傾圮殆盡
福安連江等處亦大雨三晝夜官舍民廬塌潰者十之
七八 二十九年自春及夏蘇松嘉湖等處淫雨不止

二麥浸爛江湖水溢秋禾不能栽種

天雨異物

遼道宗咸雍四年六月西北路雨穀方三十里

金世宗大定十二年三月庚寅雨土 十六年三月戊申
雨豆於臨潢之境其形銳而赤食之味頗苦 二十三
年三月乙酉氛埃雨土

哀宗天興三年正月己酉京索之間雨血十餘里是時蔡
城陷金亡

元

續文獻通考 卷之三百二十二
世祖至元二十四年諸王薛徹都部雨土七晝夜沒死牛
畜

成宗元貞二年處州天雨米黑色 大德十年六月大同
平地縣雨沙黑霾斃牛馬二千

仁宗皇慶元年六月丁卯雨毛 二年八月黃梅縣天雨
毛

英宗至治三年二月丙辰雨土

泰定帝致和元年三月壬申雨霾

文宗天曆二年三月丁亥雨土霾 至順二年三月丙戌

雨土霾

順帝元統二年正月庚寅朔河南省雨血是日衆官晨集

忽聞燔柴煙氣既而黑霧四塞咫尺不辨腥穢逼人逾
時方息及行禮畢日過午驟雨隨至霑洒聖墻及裳衣
皆赤 六月彰德雨白毛 至元三年三月天雨線

四年四月辛未京師雨紅沙晝晦 至正元年磔嘉縣
天雨鉄民舍山石皆穿人物遇之皆斃 五年春庚寅

信州雨土 十一年十月衢州東北雨米如黍 十一

月建寧浦城縣雨黑子如稗實邵武大雨震雷雨黑黍

如蘆稭信州雨黑黍鄱陽縣雨菽豆郡邑有民取而食之 十二年湖廣雨粉針民家門戶壁柱之間有粉痕如針樣無數 十三年秋七月丁卯泉州雨白絲 十五年春蘇州雨血 十六年七月延安路鄜州雨白毛如馬鬃屬邑亦如之 十七年四月冀寧榆次縣雨白毛如馬鬃 七月象州雨白絲 十八年五月益都雨白鬣冬衢處等州雨黑黍內白如粉草木皆萌芽吐花 十九年三月興化路連日雨鬣 二十五年五月甲子京師雨鬣長尺許如馬鬃或言于帝曰龍鬚也命拾

而祀之 六月戊申京師雨魚時大雨魚隨雨而落長尺許人取而食之 二十七年五月益都雨白鬣 丙午八月辛酉上海縣浦東俞店橋南牧羊兒三四聞上恰恰有聲仰視之流光中隕一魚刺成二創其狀不常見自首至尾根僅盈尺似濶霸而短是日晴無陰雲亦無鷗鶴之類甚可怪也日將晡縣市人闕然指流星自南投北即此時也橋下一細民家欲取烹食其妻益而藏之來者多就觀焉或曰志有云天隕魚人民失所之象 二十一年昆明縣天雨鐵傷禾稼民居半圯

皇明

憲宗成化元年二月天雨黑黍於襄陽 十三年丁酉春

山陰雨血射人 夏六月京師雨錢

孝宗弘治庚戌三月陝西慶陽府雨石無數大者如鵝鴨

卵小者如雞頭實皆作人語說長短 八年二月洮州

雨霜 六月夥縣雨豆

世宗嘉靖六年丁亥五月甲午京師雨錢 秋七月壬辰

南京雨血 二十一年象山縣雨黃霧行人口耳皆塞

穆宗隆慶二年四月御史周弘祖言天雨黑豆 又漢中

南鄭縣雨土

甘露

宋太宗祥符六年春三月鹿邑太清宮甘露降

徽宗宣和七年甘露降

高宗紹興三年知撫州郡高衛言甘露降於撫州祥符觀

為圖上之 十九年湖廣甘露降

遼穆宗應曆十四年四月黃龍府甘露降

聖宗統和九年八月東京甘露生

道宗大安九年四月興中府甘露降遣使祠佛飯僧

金熙宗天會十三年四月甘露降于熊岳縣

元順帝至正六年八月龍興進賢縣甘露降 二十年十

月國子監大成殿松栢樹上甘露降

皇明

太祖洪武二年己酉冬十月甲戌膏降於乾清宮後苑

蒼松之上光潤如酒凝結如珠肪白飴甘彌布松栢

四年辛亥冬十月甘露降于鍾山沾潤草木瑩若凝脂

美若醍醐 五年冬十一月甘露又降越明年仍降如

初

成祖永樂十七年己亥十一月甘露復降于 孝陵之松

栢凡四日凝為玉脂融為瓊液粲若垂珠聯若編貝其

芳香之氣甘美之味旁達莫可擬倫時 仁宗為太子

監國遣人採獻 成祖祇薦 宗廟 頒賜百官

憲宗成化六年庚寅春甘露降于郊壇松栢 上親御齋

宮取以 賜百官大學士彭時翰林學士尹直撰甘露

頌以進

世宗嘉靖七年春正月甲戌朔甘露降長泰縣 九年庚

寅冬十二月己卯甘露降于 顯陵守臣以聞 明年

續文獻通考 卷之百二十一
正月辛卯 上親製欽天記頌 十七年春甘露降龍
溪縣巡按奏進 上以 賜各部大臣 四十一年壬
戌甘露降于承天 皇陵之松樹時鎮守太監張方以
獻 世宗悅群臣稱賀仍遣成國公朱希忠往承天祭
告 陵寢其承天分守叅議及知府太監各賞銀有差

恒暘

宋寧宗嘉定十四年兩浙旱浙東尤甚

理宗嘉熙四年處州福建大旱 淳祐七年夏六月己酉
旱 十一年閩旱 寶祐元年閩旱 五年處州旱

度宗咸淳十年閩旱長樂福清二縣為甚處州亦旱
遼

穆宗應曆十二年五月旱命左右以水相沃頃之果雨
十六年正月以歲旱泛舟于池禱雨不雨舍舟立田中
禱乃雨 十七年四月射柳祈雨復以水沃羣臣

景宗保寧元年五月旱射柳祈雨 七年四月旱
興宗重熙九年六月旱射柳祈雨 十五年楊桔為定武
軍節度使時亢旱視事夕大雨民歌之曰何以蘇我上
天降雨誰其撫我楊公作主

道宗咸雍二年七月以歲旱賑山後貧民 十年四月旱

太康六年五月以旱禱雨命左右以水相沃俄而雨

降

天祚帝乾統元年四月旱 八年六月旱射柳祈雨 時

蕭文知易州大旱百姓憂甚為文禱之輒雨

金

熙宗天眷三年六月大旱使蕭彥讓田穀決西京囚

世宗大定四年五月旱癸卯勅有司審冤獄禁宮中音樂

放毬場役夫詔禮部尚書王競禱雨于北嶽壬子雨

九年六月以久旱命宮中毋用扇庚子雨 十二年四

月旱 十六年五月中都河北山東陝西河東遼東等

十路皆旱 二十年七月旱 又夏旱俾長安令取太

白湫水時完顏宗道知京兆府步迎于遠郊及城雨是

歲大稔人以為精誠所感

章宗明昌元年夏旱 二年五月拒撫等州旱 秋山東

河北旱 三年秋綏德旱 承安元年自正月至五月

不雨命徙市乃雨詔復市如常 二年自正月至四月

不雨 四年五月旱 泰和二年四月旱 五年夏旱

衛紹王大安二年四月山東河北大旱 三年三月山東河北河東諸路大旱 崇慶元年七月河東陝西山東南京諸路旱 二年陝西河東大旱 至寧元年七月以河東陝西諸處旱遣工部尚書朶剌祈雨于嶽瀆 三年四月自去冬不雨至于是月 四年七月旱 興定四年六月旱 五年三月以久旱詔中外仍命有司祈禱 元光元年四月京畿旱 哀宗正大三年四月旱 天興二年六月自歸德遷蔡連日大雨及蔡始晴復大旱四月識者以為不祥

元

世祖中統元年澤州潞州旱 三年五月東平州濱棣二州旱 四年八月真定郡及沼滋等州彰德路旱十一月東平大名等路旱 至元元年二月東平太原平陽旱分命西僧禱雨 三年夏黃州旱婺州春不雨至秋八月十二日西京北京益都真定東平順德河間徐宿邳旱 三年京兆鳳翔旱 四年順天東鹿縣旱 秋八月邵武大旱 五年十月京北大旱真定旱 六年澧州雲內東勝及廣平路旱 七年三月益都登萊旱

七月山東諸路南京河南兩路旱 九年六月高麗
旱 十二年衛輝太原等路旱 十三年十二月平陽
路旱 十五年西京奉聖州及彰德等處旱 十六年
七月趙州保定路旱 十七年大都北京懷孟保定南
京許州平陽旱 十八年二月廣寧北京大定州旱是
年平陽路松山縣旱 十九年真定以南旱民多流移
二十二年五月廣平汴梁鈞州鄭州懷孟濮州東昌
廣平平陽彰德衛輝旱 二十三年平灤太原旱 五
月汴梁京畿旱 二十四年春平陽旱二麥枯死秋種

不入土 二十五年東平路須城等縣安西路商耀乾
華等十六州旱 二十六年絳州大旱 二十七年夏
四月平山真定棗強三縣旱二十九年二月壬辰山
東棣州境內大旱 三十年真定寧晉旱

成宗元貞元年六月環州葭州及咸寧伏羗通渭等縣旱

七月河間肅寧樂壽二縣泗州賀州旱 八月真定

路旱 二年八月大名開州懷孟武涉縣河間肅寧縣

及真定旱 九月莫州獻州旱 十月化州旱 十二

月遼東開元二路旱 大德元年濟南及金復州順德

河間大名平陽旱 六月汴梁南陽大旱民鬻子女
七月荆南郡旱 八月丁巳寧海州大旱 九月江陵
鎮江丹徒金壇二縣旱 十二月平陽曲沃縣旱 二
年五月衛輝順德平灤等路旱 三年五月荆河諸郡
及桂陽寶慶興國三路旱 十月楊盧隨黃等州旱
四年平棘白馬二縣旱 五年六月汴梁南陽衛輝大
名等路旱 九月江陵旱 七年台州諸路旱 八年
六月鳳翔扶風岐山寶雞三縣旱 九年大都旱 七
月晉慶州饒陽縣漢陽漢川旱 八月蒙州融州柳州
屬縣旱 十年台州旱 五月大都京畿旱安西春夏
大旱二麥枯死 十一年台州又旱夏四月不雨至秋
八月人相食

武宗至大元年諸路旱 三年夏廣平大名路旱

仁宗皇慶元年六月濱棣德三州及蒲臺陽信等縣旱

二年九月京畿大旱 四年四月德安旱 延祐二年

春檀蘇濠三州旱夏鞏昌蘭州旱 四年夏四月不雨

德安府旱 五年六月荊州旱 七月真定河間廣平

中山大旱 七年六月黃蘄二郡及荊門軍旱

英宗至治三年六月大同路旱 二年十一月岷州旱
三年夏順德真定冀寧大旱

泰定帝泰定元年六月江淮湖廣河南景清滄莫等州臨
汾涇川靈臺壽春六合等縣旱 九月建昌郡旱 二
年五月閔陝潭州茶陵州興國永興縣旱 七月隨州
息州旱 三年夏燕南河南州縣十有四亢陽不雨
七月關中旱 四年二月奉元醴泉順德唐山邠州淳
化等縣旱 六月畿內江南潞霍綏德三州旱 八月
滕州旱 十二月真定路旱 致和元年二月廣平彰

德等郡旱 八月陝西大旱人相食

文宗天曆元年九月陝西大旱人相食 二年正月陝西
大旱自泰定二年至今不雨 己巳撫州旱自五月至
八月不雨夏真定河間大名廣平等四州四十一縣峽
州二縣旱 八月浙西湖州江東池州饒州旱 十二
月冀寧旱 至順元年七月肇州興州東勝州及榆次
滄陽等十三縣旱 二年霍隰石三州阜城平城二縣
旱 三月浙西旱諸路饑民八十餘萬戶 三年秋八
月真定路自夏至今不雨

順帝元統元年夏紹興旱自四月不雨至于七月淮東淮
西亦旱 二年三月湖廣旱自是月不雨至于八月
四月河南旱自是月不雨至于八月 六月遼東旱
秋南康旱 至元元年四月東平路久旱遣西僧祈雨
夏河南及邵武路大旱 二年蘄州黃州浙東衢州
婺州紹興江東信州江西瑞州等路及陝西皆旱是年
四月黃州黃岡縣周氏嬭產一男即死狗頭人身咸以
為旱魃云 六年夏廣東南雄路旱自二月不雨至于
五月種不入土 至正二年彰德大同二郡及冀寧平

晉榆次徐溝縣汾州孝義縣忻州皆大旱自春至秋不
雨人有相食者衛輝亦大旱 三年秋興國大旱 四
年福州大旱自三月不雨至于八月興化邵武鎮江及
河南之桂陽膠州高密縣皆旱 五年曹州禹城縣膠
州高密縣旱 六年鎮江及慶元奉化州旱 七年懷
慶衛輝河東及鳳翔之岐山汴梁之祥符河南之孟津
皆大旱 八年三月益都臨淄縣大旱 五月四川旱
十年夏彰德旱 十一年鎮江旱 十二年蘄州黃
州大旱人相食浙東紹興旱自四月不雨至于九月

壇設藁席露坐晝曝于日頃刻不移夜卧于地衣不解帶 皇太子捧盞進蔬食雜麻麥菽粟已而大雨歲遂熟 八年秋八月京師大旱 十四年金陵久不雨 詔罰守城指揮俸罪其不祈雨也 二十六年京師大旱 詔求直言

憲宗成化八年夏四月京畿自二月至今不雨大風竟日 運河水涸十五年己亥京省大旱 二十年甲辰夏五月京畿陝西河南山東山西俱大旱 孝宗弘治八年秋七月西北諸省大旱 十六年癸亥夏

五月京師大旱

武宗正德五年庚午夏六月京師旱霾 十一年丙子夏

五月風霾大旱

世宗嘉靖元年久旱即位日大雨霑足頃復開霽觀者皆慶為中興之兆 二年九月南畿十四郡北畿山東河南湖廣江西俱旱災赤地千里殍殮遍道 五年江左大旱 七年北畿河南山東山西陝西大旱 勅求直言且 諭輔臣盡言以體朕憂 十二年春二月不雨 上祈禱不應因製自咎說示羣臣使知警惕 七十

年夏四月兩京山東陝西福建湖廣大旱 二十年畿
內蝗早議發帑金賑之 三十七年五月大旱禾禾盡槁

上齋祀高玄忽雷電交至澍雨沾足羣臣表賀 四

十年二月京師不雨 上禱于玄壇得雨 四十三年

日旱乃于正月二十七日致齋禱雨先是傳諭徐階等

曰今日風沙又作必嚴祈禱令旱固未必如前歲而黃

霾土雨灾疫過之擬所舉行行勿怠遂有是禱已而又

傳諭云恰纔我樹幡竿微雷安水缸雨零未移時大霾

赤黃異于前日祈祐可緩乎朝天宮等處宜分遣官陪

告行禮遂以五府六部正官輪至四月七日吏部尚書

嚴訥奏云河間等縣間已得雨初十日大學士徐階成

國公朱希忠等率羣臣上表稱賀雲雨應期 上喜批

荅天慈垂鑒大澤應祈朕心感仰 十二月旱風霾言

官請計京官林潤復劾馮懋卿五罪 上命削爵

穆宗隆慶二年六月浙江福建四川陝西淮安鳳陽等處

大旱

今上萬曆十六年蘇松等處大旱 十七年蘇松又旱

二十四年閏八月浙江巡撫劉元霖奏杭嘉湖三府

自五月以來旱魃為雲禾苗失種秋成無望 二十九年五月初六日禮部奏二月至今畿輔內外半年不雨土脉焦枯河井乾涸二麥盡槁巡按何爾健奏阜平縣丈水洞礦夫張世誠饑餓將自己六歲小孩殺死煮食請自五月初六日為始仍各青衣角帶于本衙辦事宿歇致齋益加虔惕諸司照例停刑禁屠五日遣官恭詣天地社稷山川風雲雷雨等壇黑龍潭廟祝文祭品行各該衙門撰述備辦仍行順天府官督率所屬于應祀神廟竭誠祈禱奉 旨今歲早暵異常雨澤未澍朕在

宮中密禱夙夜惶惶依擬着百官再加修省務期感格祭告 南郊遣公徐文壁 北郊侯陳良弼山川尚書李戴社稷尚書陳渠風雲雷雨等壇侍郎馮琦黑龍潭廟真人張國祥各竭虔行禮仍行順天府官率屬祈禱

恒燠

金世宗大定二十九年

時章宗已即位冬無雪

元世祖至元十三年冬無雪

皇明

武宗正德七年冬燕趙河朔之地無雪而燠

恒寒

遼大國會同三年六月丁丑雨雪

興宗重熙十六年三月大雪

道宗咸熙八年十二月丙辰大雪許民樵採禁地 太康

八年九月大風雪牛馬多死 九年四月大雪平地丈

餘馬死者十六七 太安三年正月大雪

天祚帝乾統二年三月大寒冰復合 九年七月隕霜殺

稼

金熙宗皇統二年三月辛丑大雪 正隆四年十一月庚

寅霜附冰

世宗大定四年正月如安州大雪詔扈從人舍民者家人
支錢一千與其主

章宗承安五年十月癸卯晨陰霜附冰至日亦如之

宣宗興定五年十二月丁丑霜附冰

哀宗正大三年春大寒 四年八月癸亥風霜隕禾皆盡

五年春大寒 二月雷雨雪木之華者皆敗 天興

元年正月丁酉大雪 二月癸丑又雪戊午又雪 五

月大寒如冬是時鈞州陽邑盧氏兵皆敗

元

世祖中統二年五月西京隕霜殺禾 三年五月宣德成

寧等路隕霜 八月河間平灤等路隕霜害稼 四年

四月武州隕霜殺麥禾 至元八年七月昌會蘭等州

隕霜殺稼 十七年四月海寧益都四郡隕霜損桑

二十一年三月山東隕霜殺蠶盡死被災者三萬餘家

二十六年五月 濟南棣州隕霜殺菽 二十七

年七月大同平陽 原隕霜殺禾 二十九年三月濟

南般陽等郡及恩州屬縣隕霜殺桑

成宗元貞二年八月金復州隕霜殺禾 大德五年二月

湯陰縣隕霜殺麥 五月商州隕霜殺麥 六年大同

太原隕霜殺禾 七年四月隕霜殺麥 八年三月濟

陽灤城隕霜殺桑 八月隕霜殺稼 九年三月河間

益都般陽三郡屬縣隕霜殺桑一百四十一萬七千餘

本壞蠶一萬二千七百餘箔 十年七月大同渾源縣

隕霜殺禾 八月綏德州米脂縣隕霜殺禾二百八十

頃 至大元年大名路隕霜殺桑 八月大同隕霜殺

禾

仁宗皇慶二年三月濟寧隕霜殺桑 延佑元年三月東

平般陽等郡泰安曹濮等州大雨雪三日隕霜殺桑

閏二月濟寧汴梁等路及隴州開州清城渭源諸縣隕

霜殺桑無蚕 七月冀寧隕霜殺稼 四年夏六月盤

山隕霜殺稼五百餘頃 五年五月雄德歸信縣隕霜

殺桑 七年八月益津縣雨黑霜

英宗至治三年七月冀寧曲陽縣大同縣興和路咸寧縣

隕霜殺禾 八月袁州宜春縣隕霜害稼

泰定帝泰定二年三月雲需府大雪民饑

文宗天曆三年二月京師大霜晝霧 至順元年閏七月

奉元西湖州寧夏應理州鳴沙州鞏昌靜寧邠會等州

鳳翔麟遊大同山陰晉寧潞城隰州等縣隕霜殺稼

順帝元統三年三月壬辰河州大雪十日深八尺馬駝牛

羊凍死者十九民大饑 至正六年六月達達地大風

雪羊馬皆死 九月彰德雨雪結凍如琉璃 七年八

月衛輝隕霜殺稼 九年三月温州大雪 十年春彰

德大寒近清明節雨雪三尺民多凍餒而死 十一年

三月汴梁路鈞州大雷雨雪高密縣平地雪深三尺餘

續文獻通考卷之二百二十二
十三年秋邵武光澤縣隕霜殺稼 二十三年三月
東平路須城東阿穀陽三縣隕霜殺桑廢蚕事 八月
鈞州密縣隕霜殺菽 二十七年三月彰德大雪寒甚
于冬民多凍死 五月辛巳大同隕霜殺麥 秋冀寧
路徐溝介休二縣雨雪 十二月奉元路咸寧縣井水
冰合 二十八年四月奉元隕霜殺菽

皇明

憲宗成化十三年七月陝西鞏昌平涼諸州縣隕霜殺稼
武宗正德七年冬江淮風雪連旬南至洞庭緩流處冰厚

尺餘

今上萬曆六年十一月大雪浹旬民多凍死 二十三年
冬十二月至正月江南雪久殫戶無筭

續文獻通考卷之二百二十二終

